

FONDACIJA CURE VIJESTI

April/Maj/Juni 2022

Drugo izdanje u 2022.

Želimo dobrodošlicu povodom drugih Vijesti Fondacije CURE koje obuhvataju događaje i novosti iz naše zajednice tokom perioda april - juni 2022.

Uživajte u čitanju i ostanimo u kontaktu!




*EU radionica u Gnojnici, 16. i 17. maj 2022. *EU radionica u Konjicu, 09. i 10. maj 2022. *EU radionica u Srebrenici, 26. i 27. april 2022. *EU radionica u Banjoj Luci, 26. i 27. april 2022.

Zagovaranje za ženska prava je projekat koji finansira Evropska unija, a realiziraju Fondacija CURE i Fondacija za osnaživanje žena. Tokom dvije godine provedbe, radi se na jačanju kapaciteta deset organizacija u deset općina, uz donošenje preporuka za institucije na lokalnom nivou o tome kako unaprijediti položaj žena.

Lokalne organizacije sa kojima saradujemo u 2022. godini su Udruženje žena „Nera“ iz Konjica, Udruženje „Sara-Srebrenica“ iz Srebrenice, Udruženje žena „Vrba“ iz Mostara, Udruženje građana „Psihološki centar Sense“ iz Banja Luke i Udruženje žena „Srce i duša“ iz Prokosovića.

U protekla tri mjeseca održane su četiri radionice na temu izgradnje kapaciteta organizacija i izrađeni zagovarčki planovi za svaku organizaciju koji su trenutno u fazi implementacije.

Zalaganje za ženska prava u Bosni i Hercegovini



*Nacionalni dan Švedske

U svojim zalagačkim naporima ka poboljšanju položaja žena i djevojčica učimo od najboljih! Naša saradnja sa donatorskom partnerskom organizacijom Kvinna till Kvinna iz Švedske podrazumijeva i umrežavanje sa sjajnim ženama kao i učenje o drugim kulturama i političkim sistemima. Nacionalni dan Švedske, koji je obilježen 6. juna, bio je odličan povod da se zabavimo i produbimo veze između nas.

Ekonomsko osnaživanje

Fondacija CURE od 2021. godine implementira projekat Zagovaranje za ženska prava u Bosni i Hercegovini koji podržava švedska Fondacija Kvinna Till Kvinna. „Feminističke aktivnosti zagovaranja za ekonomsko osnaživanje i društveno-ekonomske mjere podrške za većinu marginaliziranih skupina žena“ čine zasebni dio ovog projekta. Cilj projekta jeste razvoj adekvatnih strategija i donošenje institucionalnih mjera ekonomskog osnaživanja marginaliziranih grupa žena s posebnim akcentom na žene koje su preživjele nasilje u porodici u FBiH.


Istraživanje „Kroz ekonomsku stabilnost do slobode: analiza aktuelnih propisa i praksi u FBiH u vezi s ekonomskim osnaživanjem žena koje su preživjele porodično nasilje i preporuke za njihovo poboljšanje” autorica Jasmine Čaušević i Maide Zagorac, mapiralo je trenutno stanje institucionalnih prilika za marginalizirane grupe žena s posebnim fokusom na žene koje su preživjele nasilje u porodici u FBiH.

Vodič za ekonomsko osnaživanje žena (LINK: https://fondacijacure.org/wp-content/uploads/2022/04/Vodic-za-ekonomsko-osnazivanje-zena_web.pdf) kao i Ekonomski osnažENE - Istraživanje postojećih politika i programa zapošljavanja na nivou Federacije BiH usmjerenih na socijalno marginalizovane grupe žena sa fokusom na žene preživjele porodično nasilje (2021.) dio su programa koji se tiče ekonomskog osnaživanja žena.

U prethodnom periodu dale smo doprinos u pisanju ALTERNATIVNOG IZVJEŠTAJA O NAPRETKU BOSNE I HERCEGOVINE NA PUTU ZA ČLANSTVO U EVROPSKOJ UNIJI ZA 2021. GODINU: POLITIČKI KRITERIJI (Link:https://eu-monitoring.ba/site/wp-content/uploads/2022/05/BHS_FINAL_WEB-1.pdf) u segmentu Socijalne politike i zapošljavanja – „Učešće žena na tržištu rada – zapošljavanje i rodna ravnopravnost“.

27.06.2022. godine prisustvovala smo institucionalnom radnom sastanku u Vladi Federacije Bosne i Hercegovine, „Zapošljavanje putem aktivnih mjera“, na kojem je ozvaničena međuinstitucionalna saradnja na unaprijeđenju pristupa finansijama i programima za pokretanje biznisa žena žrtava porodičnog nasilja. U sklopu ovog sastanka predstavljen je i nacrt dokumenta „Ekonomsko osnaživanje žena žrtava nasilja u porodici - Zapošljavanje putem aktivnih mjera“, koji smo komentirale, te smo predstavile materijale koje je kreirala Fondacija CURE, a koji mogu dati doprinos nastavku saradnje i procesu izrade zvaničnih dokumenata.

01.06.2022. godine održale smo zagovarački sastanak sa Investicijskom fondacijom IMPAKT, te se upoznale s njihovim radom i aktivnostima, i predstavile rad Fondacije CURE u segmentu zagovaračkih aktivnosti. Nastavljamo saradnju i razmjenjujemo ideje!





Izgradnja kapaciteta Ženske mreže BiH

Ženska mreža BiH

*Neum, maj 2022.

Ženska mreža BiH fokus svog djelovanja usmjerila je na jačanje zalagačkih kapaciteta kroz tehničko poboljšanje naših socijalnih platformi. Naša web stranica www.zenskamreza.ba i dalje prenosi najnovije vijesti koje se tiču kvaliteta života žena i djevojčica u Bosni i Hercegovini, te predstavlja resurs za sve one koji/e traže informaciju više. Naše učešće na sastancima koji se tiču unaprjeđenja položaja prava žena doveli su do toga da smo bile pozvane predložiti dva/ije kandidata/kinje za radno tijelo na državnom nivou koji/e će diskutirati o perspektivama novih generacija kroz ostvarivanje UN-ovih ciljeva za održivi razvoj. U maju 2022. godine u Neumu je održana radionica na temu izgradnje kapaciteta Ženske mreže.v

Progovori o nasilju!



Fondacija CURE radi na podršci, jačanju kapaciteta i stvaranju sigurnog okruženja za novu generaciju aktivistica i feministica, za njihovo odgovorno i aktivno uključivanje u pozitivne društvene promjene kroz edukacije, istraživanja, analize i javno zagovaranje, poboljšanje medijske slike žena i podizanje vidljivosti, lokalno i regionalno umrežavanje, angažiranu umjetnost, aktivizam i izgradnju inkluzivnog i održivog ženskog pokreta. U skladu s tim, implementiran je projekat Progovori o nasilju! Cilj je bio ojačati različite žene svih dobnih skupina koje će djelovati kao nositeljice pozitivnih društvenih promjena, stvarajući sigurno i pozitivno okruženje za poboljšanje kvaliteta svakodnevnog života žena i drugih socijalno marginaliziranih grupa. Primarni fokus projekta je bio na tome da se mlade djevojke (od 14 do 20 godina) i vršnjačke edukatorice (od 18 do 25 godina) osjećaju sigurnije od seksualnog i rodno zasnovanog

nasilja u omladinskim vezama. Obrazujući mlade ljude da ne toleriraju nasilje, potičući mlade žene da budu pokretačice pozitivnih promjena, stvaramo siguran prostor i zdravije okruženje.

Kroz ovaj projekat stvaramo siguran prostor - privatni i javni, koristeći različite medijske alate (internet platforme, nove medijske platforme, društvene mreže itd.) kako bismo osnažile mlade žene da govore o rodno zasnovanom nasilju u vezama mladih.

U maju smo snimile dva dokumentarna filma pod nazivom „Progovori o nasilju“, dostupan na: <https://www.youtube.com/watch?v=z8WpHFeiRoE&t=1s> i „Nulta tolerancija na nasilje“, dostupan na: <https://www.youtube.com/watch?v=nD7sgMFMgqU>

Žene i izgradnja mira u Bosni i Hercegovini



*Ženski sud, 12.05.2022. *Foča, 19. juni 2022. *Sanski Most, Bašča mogućnosti

Projekat Žene i izgradnja mira u Bosni i Hercegovini ima za cilj podizanje svijesti građana/ki o neophodnosti uključivanja žena u sve faze pregovora o miru i izgradnji mira. Projekat se temelji na preporukama istraživanja „Suočavanje s nemirom i izgradnja mira iz perspektive postdejtonske žene” i pruža priliku za uključivanje mladim ženama, ženama srednje dobi i ženama treće dobi, pripadnicama manjinskih i marginaliziranih grupa, povratnicama, ženama koje su preživjele nasilje i diskriminaciju, tražiteljicama azila, te djeci rođenoj kao posljedica ratnog silovanja prepoznatim kao agenti/ce pozitivnih promjena u kontekstu izgradnje mira u BiH. Fondacija CURE od početka 2022. godine radila je na mapiranju, prikupljanju i sažimanju ličnih priča i portreta žena kako bi one bile dostupne široj javnosti kroz publikaciju/istraživanje i digitalne priče koje će se promovirati kroz online platforme.

U Sarajevu je od 11. do 13. maja održan petnaesti (15) regionalni sastanak Ženskog suda u okviru projekta „Žene i izgradnja mira u Bosni i Hercegovini” koji je finansijski podržao World Day of Prayer - German Committee, uz podršku predstavnica Žena u crnom, Beograd, Centra za žensko i mirovno obrazovanje Anima, Kotor, Centra za žene žrtve rata, Zagreb i Udruženja HO Horizonti, Tuzla.

Na ovom sastanku učestvovala su svjedokinje Ženskog suda iz Bosne i Hercegovine, Crne Gore, Republike Hrvatske i Republike Srbije, kao i organizatorice, terapeutice, te saradnice ŽS iz Sarajeva i regije.

U povodu obilježavanja 19. juna, Međunarodnog dana borbe protiv seksualnog nasilja u ratu, članice tima Fondacije CURE prisustvovala su komemoraciji koja je održana u Foči, te na taj način izrazile svoju solidarnost sa ženama i djevojkama koje su preživjele ratno seksualno nasilje.

U Sanskom Mostu, u periodu od 02. do 03.06.2022. godine, održana je dvodnevna konferencija „Od jake lokalne zajednice do održivog mira” u organizaciji Mreže za izgradnju mira i Centra za izgradnju mira Sanski Most. S ciljem povezivanja lokalnih aktera/ica i kreiranja novih zajedničkih inicijativa, preko 30 predstavnika/ca organizacija civilnog sektora iz cijele BiH učestvovalo je i na radionici o kulturi dijaloga koju su vodili Mevludin Rahmanović i Vahidin Omanović, osnivači Centra za izgradnju mira Sanski Most i nadaleko poznate „Bašče mogućnosti” koja je otvorena za sve mirovnjake i mirovnjakinje i gdje su dobrodošli/e da se odmore i organiziraju aktivnosti.

Rodno osjetljive lokalne politike općine Centar Sarajevo u procesu pristupanja EU

Fondacija CURE započela je implementaciju projekta „Rodno osjetljive lokalne politike općine Centar Sarajevo u procesu pristupanja EU“. Ovaj projekat dio je šire akcije pod nazivom „Unaprjeđenje rodne ravnopravnosti kroz proces pristupanja EU“ koju sufinansiraju Evropska unija i Švedska agencija za međunarodni razvoj (SIDA). Regionalni partneri koji provode ovu akciju su Reactor – Istraživanje na djelu iz Sjeverne Makedonije, Albanska mreža za osnaživanje žena (AWEN) iz Albanije, Prava za sve iz Bosne i Hercegovine, Mreža žena Kosova (KWN) s Kosova, Centar za ženska prava (WRC) iz Crne Gore i Fondacija Kvinna till Kvinna iz Švedske

preko svog ureda u Sjevernoj Makedoniji. Projekt "Rodno osjetljive lokalne politike općine Centar Sarajevo u procesu pristupanja EU" orijentiran je na analizu rodničkih politika, programa i budućih aktivnosti u općini Centar Sarajevo. Tokom ovog projekta Fondacija CURE nastaviće se zalagati za razvoj rodničkih politika na lokalnom nivou, uz izradu takvog dokumenta lokalne politike koji će u najvećoj mogućoj mjeri inkorporirati preporuke UNCEDAW-a za Bosnu i Hercegovinu, posebno u pogledu položaja socijalno marginaliziranih grupa žena, kao i dokumente o politici koje su izradile lokalne ženske organizacije u skladu s preporukama rodne politike EU-a.

„Rodno osjetljive lokalne politike Općine Centar Sarajevo u procesu pristupanja EU“ je projekt koji provodi Fondacija CURE, a podržava Reactor – Research in Action i njegovi partneri kroz Akciju „Unaprjeđenje rodne ravnopravnosti kroz proces pristupanja EU“. Ovu Akciju finansira Evropska unija, a sufinansira Švedska agencija za međunarodni razvoj i saradnju.

Sadržaj ove objave isključiva je odgovornost Fondacije CURE i ne odražava nužno stavove Evropske unije ili Švedske agencije za međunarodni razvoj i saradnju.

Inicijativa „Građanke za ustavne promjene“

KOJEG
JE RODA
USTAV?

Šta
građani i građanke
Bosne i Hercegovine
misle o
**Ustavu
BiH**

Da li Ustav BiH treba da sadrži afirmativne mjere kojima bi se otklonila neravnopravnost muškaraca i žena?

71.4%

ispitanika/ca **smatra da Ustav BiH treba da sadrži afirmativne mjere** kojima bi se otklonila neravnopravnost između muškaraca i žena.

12.7%

ispitanika/ca **ne zna da li Ustav BiH treba da sadrži afirmativne mjere** kojima bi se otklonila neravnopravnost između muškaraca i žena.

14.6%

ispitanika/ca **smatra da Ustav BiH ne treba da sadrži afirmativne mjere** kojima bi se otklonila neravnopravnost između muškaraca i žena.

1.3%

ispitanika/ca **odbija da da odgovori da li Ustav BiH treba da sadrži afirmativne mjere** kojima bi se otklonila neravnopravnost između muškaraca i žena.

*Kojeg je roda Ustav?

U okviru Inicijative „Građanke za ustavne promjene“ održan je online master class „Orodnjavanje ustava u svjetlu međunarodnih i EU obaveza“. Teme obuhvaćene kroz tri modula su: Ustav i međunarodni standardi iz CEDAW konvencije i Agende Rezolucije 1325 (žene, mir i sigurnost), Ustav i regionalni standardi u oblasti rodne ravnopravnosti: Pravo i institucionalni okvir Evropske unije i Vijeća Evrope, Ustav i ostali relevantni standardi u oblasti rodne ravnopravnosti – proces ustavnih reformi u BiH iz rodne perspektive i zaštite ljudskih prava. Inicijativa je dala doprinos pisanju Alternativnog izvještaja o napretku BiH 2021. godine. LINK: https://eu-monitoring.ba/site/wp-content/uploads/2022/05/BHS_FINAL_WEB-1.pdf

U aprilu je objavljeno istraživanje pod nazivom „Šta građani i građanke misle o Ustavu BiH?“, a zastupnicima i zastupnicama Parlamentarne skupštine BiH dostavljeni su rezultati/nalazi istraživanja, te je održan sastanak Radne grupe

za lobiranje i zagovaranje sa predstavnicom Gender centra FBiH. Prikupljene su informacije za Gender barometer, Inicijativa je predstavljena na Fakultetu političkih nauka u Istočnom Sarajevu, te je održan sastanak sa Ennom Zone Đonlić, predstavnicom Inicijative mladih za promjene Ustava.

Inicijativa „Građanke za ustavne promjene“ pokrenula je promotivnu kampanju za podizanje svijesti javnosti o nedostacima Ustava BiH i važnosti rodne ravnopravnosti u svim segmentima života. „Kojeg je roda Ustav?“ pitanje je koje postavlja ova kampanja. Za potrebe kampanje kreirani su zanimljivi video sadržaji, objave i poruke, koji su objavljeni na društvenim mrežama Inicijative u želji da se podigne svijest društva o ovoj veoma važnoj temi. Više informacija o aktivnostima Inicijative „Građanke za ustavne promjene“ možete pronaći na <https://gradjankezaustavnepromjene.wordpress.com/>



Posjeta Italiji, april 2022.

Naša dugogodišnja saradnja sa prijateljima i partnerima iz Reggio Emilie (Italija) u maju ove godine krunisana je institucionalnim partnerstvom između općine Centar Sarajevo i grada Reggio Emilia. Predstavnice Fondacije CURE tim su povodom boravile u Italiji i prisustvovalе potpisivanju bratimljenja između općina, ali i posjetile različite društveno odgovorne organizacije i institucije. Veoma smo zahvalne našim prijateljima/cama iz ISCOS Emilia Romagna na povjerenju, zajedničkim iskustvima i radujemo se novim izazovima!



*Konferencija u Beogradu, 19.04.2022.

*Posjeta mirovnjaka i mirovnjakinja iz Italije i Španije, 13.04.2022.

*Posjeta Udruženja poslovnih žena, 22.04.2022.

*Saradnja sa Fondacijom Jelena Šantić

Na poziv Fondacije Jelena Šantić sudjelovale smo na konferenciji VAN ZONE KOMFORA, koja je održana 19. i 20. aprila 2022. u Centru za kulturnu dekontaminaciju u Beogradu. Panel „Temelji aktivizma na Zapadnom Balkanu - zašto i kako gradimo aktivizam u regionu?” bio je posvećen aktivisticama/fondacijama koje svojim djelovanjem u regiji Zapadnog Balkana doprinose izgradnji mira, procesu pomirenja, te afirmiraju i podržavaju aktivizam koji je usmjeren na razvoj zajednica u regiji. Aktivistice predstavljaju tihe heroine naše regije čije je djelovanje temelj unaprjeđenja zajednice i razvoja i normalizacije Zapadnog Balkana.

* Fondacija CURE ugostila je mirovnjake i mirovnjakinje iz Italije i Španije. Teme o kojima smo razgovarali su brojne, između ostalih izdavaju se memorija Mediterana, Il Movimento messicano, Le madri argentine, migracija i ruta balkanska, otpor žena u svakoj formi...

* Predstavnice Udruženja poslovnih žena u BiH zajedno sa nastavnicama i poduzetnicama iz FTM d.o.o. Novi Travnik posjetile su Fondaciju CURE.



*Sarajevo, 05.05.2022.

*Prijedor, 31.05.2022.

*Dodjela certifikata

Fondacija CURE kao i svaka članica tima osobno izražavaju punu podršku kampanji Džeje Glavović za legalizaciju kanabis ulja u medicinske svrhe u BiH! Solidarnost!

Kanabis (lat. Cannabis sativa L.) se u mnogim zemljama širom svijeta upotrebljava u medicinske svrhe. Pacijenti/ce koji boluju od artritisa ili se bore sa hroničnim bolom, epilepsijom, glaukomom, multiplom sklerozom, raznim vrstama karcinoma, AIDS-om, Kronovom bolesti, fibromialgijom, autizmom, cerebralnom paralizom, psiho-somatskim poremećajima itd. vrlo često posežu za alternativnim, ali naučno dokazanim lijekovima, odnosno preparatima kao što je kanabis ulje.

Nažalost, u Bosni i Hercegovini nije dozvoljena upotreba kanabisa u medicinske svrhe. Prema Zakonu o sprječavanju i suzbijanju zloupotrebe opojnih droga, kanabis se nalazi u Tablici I gdje su navedene zabranjene supstance i biljke.

Dozvolimo legalno korištenje i pristup kanabis ulju u medicinske svrhe!

#legalizacijakanabisaubih #solidarnost

DAN BIJELIH TRAKA - 30 GODINA

Članice Tima Fondacije CURE prisustvovala su obilježavanju Dana bijelih traka u Prijedoru, 31.05.2022. godine. Obilježavanje Dana bijelih traka je podsjećanje na 31.05.1992. godine kada je Krizni štab opštine Prijedor primorao nesrpsko stanovništvo da svoje kuće i stanove označe bijelim zastavama, a ukoliko se kreću gradom da moraju nositi bijelu traku oko ruke. Prijedorske bijele trake su neoboriva činjenica utvrđena u sudskim procesima za ratne zločine i ove godine obilježeno je 30 godina od zadnje pojave takvih traka u ratnim okolnostima u Prijedoru.

JAČAMO SVOJE KAPACITETE

Krajem juna 2022.godine članicama Tima Fondacije CURE dodijeljeni su certifikati za uspješno kompletiranu jednogodišnju obuku o pružanju podrške u pristupu pravdi i socijalnim uslugama u lokalnoj zajednici, projektu kojeg su implementirale naše prijateljice iz Centra ženskih prava iz Zenice i UG Romkinje iz Bijeljine. Ova vrsta obuke predstavlja značajan napredak u izgradnji naših internih kapaciteta.



*Novi Sad, juni 2022. , *Panel diskusije, MEDICA Zenica, 09.06.2022., *Jahorina, 14. i 15.06.2022
*Bh. Povorka ponosa

*Članice Fondacije CURE prisustvovala su sestrinskom susretu u Novom Sadu na Autonomnom festivalu žena u junu 2022. godine.

*Panel diskusije, MEDICA Zenica, 09.06.2022. Na poziv Sabihe Huskić, direktorice MEDICA Zenica, Jadranka Miličević sudjelovala je na panel diskusiji i govorila pred 12 žena iz Iraka (Iračanke i Kurdistanke, predstavnice institucija i civilnog društva) o radu Fondacije CURE, Inicijativi Mir sa ženskim licem, WWDP projektu, te im je tom prilikom poklonila dvd sa dokumentarnim filmom „Suočavanje s nemirom i izgradnja mira iz perspektive postdejtonske žene“. Nadalje, govorila je o situaciji u BiH – o nepostojanju zvaničnog registra sa preporukom za njih da odmah pokušaju da uspostave svoje; o važnosti mapiranja mjesta zločina i zapisivanja svih ženskih priča; o istom vrednovanju svih preživjelih osoba bez obzira na ime/spol/ vjeru; o prvoj bebi rođenoj u MEDICI i osnivanju Udruženja Zaboravljena djeca rata (kratko je predstavljen i njihov rad).

*U organizaciji Fondacije Heinrich Böll Stiftung Sarajevo na Jahorini je 14. i 15.06.2022. održan godišnji partnerski sastanak.

*U organizaciji Heinrich Böll Stiftung-a (Fondacija Böll) Fondaciju Cure je 29.06.2022. posjetila grupa iz Hamburga.

*Članica Fondacije CURE Jadranka Miličević prisustvovala je trećoj bh. Povorki ponosa pod nazivom „Porodično okupljanje“ koja je održana 25.06.2022.

*Predstavnice Fondacije CURE su na osnovu molbe Osnovne škole „Safvet-beg Bašagić“ održale sedam edukativnih radionica o prevenciji nasilja, prepoznavanju nasilja i reagiranju u slučajevima nasilja kod mladih ljudi. Posebno smo ponosne jer smo u Kantonu Sarajevo prepoznate kao jedna od organizacija koja radi edukativne radionice u osnovnim i srednjim školama s ciljem prevencije nasilja.

PITCHWISE 2022

Festival ženske umjetnosti i aktivizma | 08.09. - 11.09.2022.
Historijski muzej BiH



PRATITE NAS I PRIKLJUČITE NAM SE!

+387 33 207 561

info@fondacijacure.org

www.fondacijacure.org

fondacijacure

@fondacijacure

@Fondacija_Cure

Fondacija CURE

Hvala donatorkama i donatorima u 2022.!

Evropska unija; Kvinna till Kvinna; Global Fund for Women; Fondacija TRAG/Fondacija OAK; Die Feministische Friedensorganisation CFD; Mediterranean Women's Fund; Heart and Hand Fund; Sigrid Rausing Trust; CARE International; Balkan Trust for Democracy (BTD); Women's World Day of Prayer, German Committee; Američka agencija za međunarodni razvoj (USAID); Zavod za zapošljavanje KS; Heinrich Böll Stiftung Sarajevo; Friedrich-Ebert-Stiftung u Bosni i Hercegovini; Sida; ISCOS - Emilia Romagna.